

Մաշտոցի Արձագանգ

Հայաստանեաց Եկեղեցւոյ Սուրբ Յակոբ Կիրակօնօրեայ Դպրոցի ամսաթերթ

Յունուար 2010 (ԺԷ տարի թիւ 5)

Այս թիւով...

Խմբագրական՝

Ի՞նչ պէտք է նորոգել ամէն տարի Էջ 2

Յունուար ամսուան բացատրական բառարան: Ծրագալոյց Ս. Ծննդեան, Զրօրհնէք, Ս. Սարգիս, Ս. Անտոն, Աստուածայայտնութիւն, Խթում, Յովհաննու Կարապետ Էջ 3-5

Տաղ Ս. Ծննդեան Էջ 6

Յիսուս Քրիստոսի ԾԱԾՆԵԱՆ Աւետումը Էջ 7

Եկեղեցական բառարան: Զայնագրեալ Գիրեր, Ղազար Փարպեցի, Ծաճան, Մասունք Էջ 8

Տնօրիների աւանդութեան շուրջ Էջ 9

Եզակի գիրեր: Էջ 11

Լերան Քարոզը: Էջ 12

Երկրի աղը եւ աշխարհի լոյսը: Էջ 13

Աստուած կ'ընէ անսպասելին: Էջ 14

Ո՞րն է ճիշդ պատասխանը: Էջ 15-18

Սուրբ Ծնունդը Կիրակօնօրեայ Դպրոցէն ներս Էջ 19-20



Ա...ԱԷՐ, Ս. Սարգիս

Խաչքարի հեղինակ՝
Ժողովրդական վարպետ,
ՌՈՒԲԵՆ ՆԱԼԲԱՆԴՅԱՆ

Ամսուան Համարը

«Բարձունքներուն մէջ Աստուծոյ փա՛ռք,
խաղաղութի՛ւն երկրի վրայ
եւ մարդոց միջեւ հաճութիւն»:

Ղուկաս 2.14

Ի՞նչ պէտք է նորոգել ամէն տարի

Ամէն նոր տարի, ընդհանրապէս, որոշումներ կ'առնենք, տարուան ընթացքին իրականացնելու համար: Սակայն երբ տարին կը սկսի հիննավ, մեր որոշումները, հանդիպելով խոշնդրութերու, կրնան անդամալուծուիլ: Հետեւաբար տարուան նորութեան չափը պէտք չէ փնտոել մեր կերուխումին եւ որոշումներուն մէջ, այլ մեր նմաններուն հանդէպ մեր սիրոյ աճման չափով: Վերջ ի վերջոյ Քրիստոս բոլորին հանդէպ սէր քարոզեց. Հովհիներէն մինչեւ մոգերը.....: Ահաւասիկ Պողոս առաքեալի Կորնթացիներուն գրած առաջին նամակէն 13-րդ գլուխը, «Սէր» խորագրով:

Եթէ մարդոց եւ հրեշտակներու լեզուները խօսիմ, բայց սէր չունենամ, ի՞նչ տարբերութիւն կ'ունենամ պղինձէ շեփորէն որ կը հնչէ, կամ ծնծղաներէն որ կը դողանջեն: Եթէ մարգարէութեան պարգեւը ունենամ, կարենամ բոլոր խորհուրդներու խորթը թափանցել եւ հասնիմ ամբողջական գիտութեան, եւ նոյնիսկ լեռները տեղափոխելու չափ զօրաւոր հաւատը ունենամ, բայց սէր չունենամ, ոչինչ կ'արժեմ: Ի՞նչ օգուտ, եթէ բոլոր ինչքերս աղքատներուն տամ եւ նոյնիսկ մարմինս կրակի մատնեմ. եթէ սէր չունիմ, ոչինչով կ'օգտուիմ:

Սէր ունեցողը համբերատար կ'ըլլայ եւ քաղցրաբարոյ: Սէր ունեցողը չի նախանձիր, չի գոռզանար, չի հպարտանար, անպատշաճ վարմունք չ'ունենար, միայն ինքզինք չի մտածեր, բարկութեամբ չի գրգոռիր, չարութիւն չի խորհիր, անհրատութեան վրայ չ'ուրախանար, այլ ուրախակից կ'ըլլայ ճշմարտութեան: Սէր ունեցողը միշտ կը զիշի, միշտ կը հաւատայ, միշտ կը յուսայ եւ միշտ կը համբերէ:

Սէրը անվախնան է, մինչդեռ այս կեանքին հետ մարգարէական պատգամները վերջ պիտի գտնեն, հրեշտակներու լեզուներով խօսիլը պիտի դադրի, գիտութիւնն ալ վերջ պիտի գտնէ: Այժմ մեր գիտցածը անկատար է եւ մեր մարգարէութիւնն ալ՝ մասնակի: Բայց երբ կատարեալը գայ, այս անկատարութիւնը վերջ պիտի գտնէ:

Երբ երեխայ էի, երեխայի պէս կը խօսէի, երեխայի պէս կը խորհիէի եւ երեխայի պէս կը տրամաբանէի. իսկ երբ տղամարդ դարձայ, բոլոր երեխայական բաները մէկ կողմ դրի: Նոյնպէս ալ, մենք այժմ զԱստուած կը տեսնենք աղօս կերպով, կարծես հայելիի մը մէջէն. բայց երբ ամէն բանի կատարումը գայ՝ զայն պիտի տեսնենք դէմ առ դէմ: Այժմ միայն մասնակիորէն կը ճանշնամ զԱստուած, բայց այն ատեն պիտի ճանշնամ ամբողջապէս, ճիշդ ինչպէս ի՞նք զիս կը ճանշնայ:

Ներկայիս, ուրեմն, միակ կարեւոր բաներն են, հաւատքը, յոյսը եւ սէրը. իսկ այս երեքն մեծագոյնը սէրն է:

«Մաշտոցի Արձագանգ»

Հայաստանեայց Եկեղեցւոյ Սուրբ Յակոբ Կիրակոսեայ Դպրոցի ամսաթերթ

Հայաստանեայց Եկեղեցւոյ Սուրբ Յակոբ Կիրակոսեայ Դպրոցի կամաւոր խմբակը

**Թամար Գիգիրեան, Վերժին Գիւաթաննեան, Յասմիկ Նամարեան, Գարու Մանուկեան,
Շողիկ Նամարեան, Յասմիկ Գանամեան, Շաղիկ Պոյամեան, Թորոս Պապիկեան**

Յունուար ամսուան բացատրական տօնացոյց

- Ուր. 1 Ամանոր
 Գշ. 5 Տրագալոյց Ս. ԾԱՆԴԵԱՆ
 Դշ. 6 Ս. ԾՆՈՒՆԴ - Աստուածայայտնութիւն
 Եշ. 7 Յիշատակ Մեռելոց
 Դշ. 13 Տօն Անուանակոչութեան Յիսուսի Քրիստոսի
 Եշ. 14 Ս. Յովհաննու Կարապետի
 Բշ. 18 Ս. Անտոն Շգնաւոր
 Գշ. 19 Ս. Թէոդոս Թագաւոր
 Կիր. 24 Բարեկենդան Առաջաւորի Պահոցն
 Ուր. 29 Յիշատակ Յովնան Մարգարէի
 Ծբթ. 30 Ս. Սարգիս Զօրավար, որդին Մարտիրոս եւ 14 զինուորներ

Տրագալոյց Ս. ԾԱՆԴԵԱՆ

Այսպէս կը կոչուի Աստուածայայտնութեան նախորդող երեկոյեան արարողութիւնը: Տրագալոյցը բարդ բառ մըն է «ճրագ լուցանել (վառել)», որովհետեւ եկեղեցւոյ մէջ երեկոյեան բազմաթիւ լապտերներ ու կանթեղներ կը վառին եւ պատարագ կը մատուցուի, որուն ընթացքին բոլոր հաւատացեալները վառող մոմեր կը բռնեն:

Տրագալոյցի լապտերներու եւ մոմերու լոյսը կը խորհրդանշէ այն հոգեւոր լոյսի ճառագայթումը մեր մէջ, որ մեզի պարգեւեց Փրկիչը իր տնօրինութիւններով:

Զրոյինէք

Այս արարողութիւնը հաստատուած է ի յիշատակ Քրիստոսի մկրտութեան: Այն կը կատարուի Աստուածայայտնութեան տօնին: Հին ժամանակ ջրօրինէքը կը կատարուէր գետերու կամ լիճներու ափին, իսկ այժմ՝ եկեղեցւոյ մէջ: Պատարագի աւարտին քահանան յատուկ ընթերցուածքներու, քարոզէն եւ աղօթքէն յետոյ խաչով կ'օրինէ մեծ տակառի մէջ լեցուած ջուրը, որ կը բաժնուի հաւատացեալներուն՝ իբրև սրբութեան խորհրդանիշ եւ բժշկութեան միջոց:



Ս. Սարգիս որոշ ժամանակ մը Հայաստան մնալէ ետք գնաց Պարսկաստան, ուր նշանակուեցաւ պարսից բանակի օօրավար: Իր անօրինակ քաջութեամբ յաղթեց բազմաթիւ պատերազմներու եւ կարողացաւ դարձի բերել շատ զինուորներ: Ասոր վրայ պարսից արքան փորձեց բռնութեամբ հեթանոս դարձնել Սարգիսին: սակայն ոչ մի տանջանք չկրցաւ Սուրբին հաւատքը սասանել, եւ ան նահատակուեցաւ: Իր հետ նահատակուեցան նաեւ իր որդին Մարտիրոսը եւ քրիստոնեայ դարձած 14 պարսիկ զինուորներ:

Սուրբին անուանակոչութեան տօնը այս տարի կը զուգադիպի Յունուար 30-ին:

Գիտէի՞ր թէ Ս. Սարգիսի տօնը Հայաստանի մէջ ընդունուած է նշել ոչ միայն եկեղեցական ծխակատարութեամբ, այլեւ ժողովրդական սովորութիւններով: Ս. Սարգիս Զօրավարը երիտասարդներու արագահաս բարեխօսն է եւ սիրոյ երազանքը իրականացնող սուրբ: Հատ աւանդութեան, Ս. Սարգիս ալէտք է Հրեշտակներու ուղեկցութեամբ անցնի եւ տանիքին վրայ դրուած ալիրի մէջ ձգէ իր սպիտակ ձիուն պայտին հետքը որպէսզի այդ տարի իրականանայ հաւատացեալի երազանքը:



Ս. Անտոն Շգնաւոր (250 - 356)

Սուրբ Անտոն Անապատական կը համարուի անապատականներու հայրը: Ազգութեամբ եղիպտացի էր, հարուստ եւ բարեպաշտ ծնողներու զաւակ: Ծնողներու մահէն եւոք, 19 տարեկանին, Անտոնը որոշեց հեռանալ աշխարհէն եւ բնակութիւն հաստատել անապատին մէջ: Անտոն, իր բոլոր փորձութիւններուն դիմագրաւեց աղօթքով: Անտոնը երբէք չէր մոռնար որ Քրիստոս իր հետ է, Որուն առջեւ բոլոր փորձութիւնները անզօր են: Հակառակ անոր որ Անտոնը կը փափաքէր մինակ մնալ Տիրոջ հետ, անոր համբաւը տարածուեցաւ եւ մարդիկ տարբեր հարցերով սկսան իրեն այցելել: Անտոն կ'օգնէր բոլոր այցելուներուն եւ սակայն կը նախընտրէր հեռանալ աւելի անմարդաբնակ վայրեր ուր իրեն կրնային այցելել միայն իր օրինակով անապատական դարձած եղբայրները:

Ս. Անտոն Անապատական Երուսաղէմ, ձեռ. 285 էջ 14ա, Հարանց վարք, 1430թ. Կաֆա

Աստուածայայտնութիւն (Սուրբ Ծնունդ եւ Մկրտութիւն)

Մեր Տէր Յիսուս Քրիստոսի առաջին տնօրինութիւնները, որոնցմով Ան յայտնուեցաւ աշխարհին (Գաբրիէլ հրեշտակապետի աւետումը, Յիսուս Մանուկին ծնունդը, ութնօրեայ թլփատութիւնը, հովհիներու եւ մոգերու երկրպագութիւնը, քառասնօրեայ ընծայումը, ինչպէս նաև Յորդանան գետին մէջ մկրտութիլը եւ այլն) առաջին դարերուն կը տօնուէին միեւնյան, Աստուածայայտնութիւն կոչուող մեծ տօնախմբական շրջանին:

Հետագային այս տօնի գրեթէ բոլոր յիշատակները առանձնացան՝ տարուայ մէջ բաժնուելով ըստ համապատասխան ամիսներու եւ օրերու: Մնացին միայն Ծնունդը եւ Մկրտութիւնը, որոնք ըստ Աւետարանին կատարուեր են նոյն օրը՝ երբ Յիսուս 30 տարեկան էր: Ըստ աւանդութեան այդ օրը Յունուար 6ն էր:



Աւելի ուշ, Ե. դարուն (451 թուին Քաղկեդոնի մէջ գումարուած չորրորդ Տիեզերական ժողովին որուն հայսատաննեաց Եկեղեցին չմասնակցեցաւ) Յունական-Հռովմէական Եկեղեցին, Ծննդեան տօնը եւս անջատեց Մկրտութենէն եւ սկսաւ տօնել Ռեկտեմբեր 25 ին (մոռցնել տալու համար այդ օրուան արեւի պաշտամունքի սովորութիւնը եւրոպայի մէջ) որ տարածում գտաւ ամբողջ աշխարհին մէջ: Սակայն Հայ Եկեղեցին հաւատարիմ մնաց հնագոյն աւանդութեան եւ մինչեւ այսօր Քրիստոսի ծննդեան եւ մկրտութեան յիշատակը միացեալ կը տօնէ Յունուար 6-ին՝ Աստուածայայտնութիւն անուանումով:



Խթում

«Խթում» անուան տակ ծանօթ են Սուրբ Ծննդելը նախորդող երեկոյեան ընթացքին կատարուող նախատօնական եկեղեցական եւ ժողովրդական արարողութիւնները:

Այդ երեկոյ եկեղեցին ներս կանթեղներ կը վարուին եւ ճրագը կը բաժնուի ժողովորդին անոնց մոմերը վարելով ու այդպէս, վարած մոմերը տուն տանելով։ Շրագ վարելու այս սովորութեան հետեւողութեամբ, Խթումը երեկոյեան տրուած է նաեւ Շրագալոյց անունը։

Անցեալին Հայաստանեայց Եկեղեցւոյ բոլոր մեծ տօներուն իբր նախատօնակ կը կատարուէր Շրագալոյց, իսկ ներկայիս միայն Սուրբ Ծննդի եւ Զատկուայ տօները նախորդող երեկոները։


Շրագալոյցի ժողովորդական սովորութիւններէն է Քրիստոսի ծննդեան աւետիս տալը մէկը միւսին, ապա աւանդական ընթրիքի շուրջ հաւաքուիլը, ճաշակելու համար ձուկ, բանջար, հաւկիթ եւ գինի։



Յովհաննու Կարապետ


Յովհաննէս Կարապետը Յիսուս Քրիստոսի գալուստը վկայած մարգարէներէն վերջինն է որ յետագային նաեւ մկրտեց զԱյց այնուինետեւ կոչուելով «Յովհաննէս Մկրտիչ»։ Ան մեծ համբաւ ունէր իր ապաշխարհութեան քարոզչութեամբ եւ իրեն հետեւորդներու մկրտութեամբ։ Իր հանդէպ յարգանքը այնքան մեծ եղած է որ իր հետեւորդները հարց կու տային թէ արդեօք ի՞նք էր Քրիստոսը։ Պատահեցաւ նաեւ որ ան իսկ կասկածի թէ իրապէս Քրիստո՞ն էր սպասուած մեսեան, որուն Աստուած պատախանեց թէ աշխարհի վրայ Յովհաննէս Մկրտիչէն աւելի մեծ մարդ գոյութիւն չունէր, սակայն որովհետեւ կասկածեցաւ, երկինքի մէջ վերջինն իսկ իրմէ աւելի մեծ պիտի ըլլար։

Հայաստանեայց առաքելական եկեղեցին Յովհաննէս Կարապետի յիշատակը կը նշէ չորս առիթներով որոնցմէ երկութն են անոր ծննդեան (այս տարի Յունուար 14-ին) եւ գլխատման առիթները։



Գիտէի՞ր թէ... .

- Յիսուս երեսուն (30) տարեկան էր երբ մկրտուեցաւ։
- Յիսուս ութ (8) օրուայ էր երբ անուանակոչուեցաւ, եւ մենք այս կը տօնենք Յունուար 13 ին։



Տաղ Սուրբ Ծննդեան

Այսօր տօն է սուրբ ծննդեան, աւետի՞ն
Տեառըն մերոյ եւ յայտնութեան,
աւետի՞ս:

Այսօր Արեւն արդարութեան, աւետի՞ն.
Երեւեցաւ ի մէջ մարդկան, աւետի՞ն:

Քրիստոս ծընաւ եւ յայտնեցաւ:

Այսօր սուրբ կոյսն անապական,
աւետի՞ն

Ծընաւ երեր զանմահ Արքայն,
աւետի՞ն:

Այսօր հրեշտակք յերկնից իշեալ,
աւետի՞ն.

Ընդ մեզ օրինեն զանմահ Արքայն,
աւետի՞ն:

Քրիստոս Ծընաւ եւ յայտնեցաւ:

Ո՞վ չի գիտեր Սուրբ Ծնունդի մասին
գրուած ամենածանօթ այս շարականը որ կը
հնչէ ամէն տարի խթման գիշերը աւետելու
համար Յիսուսի ծնունդը: Այս շարականին
հեղինակն է Մովսէս Քերթող Հայրապետ
որ զայն գրած է 441 թուականին: Ահա
այդ շարականին բառերը գրաբար եւ անոնց
թարգմանութիւնը՝ աշխարհաբար:

Խորհուրդ մեծ եւ սքանչելի
որ յայսմ աւուր յայտնեցաւ.
Հովհիք երգեն ընդ հրեշտակս
տան աւետիս աշխարհի:

Ծնաւ նոր արքայ
ի Բեթղեհեմ քաղաքի.
Որդիք մարդկան օրինեցէք,
զի վասն մեր մարմնացաւ:

Անբաւելին երկնի եւ երկրի
ի խանձարուս պատեցաւ.

Ոչ մեկնելով ի Հօրէ
ի սուրբ այրին բազմեցաւ:

* * *

Սքանչելի եւ մեծ խորհուրդ է,
որ այսօր յայտնուեցաւ.
Հովհիւները հրեշտակներու հետ կ'երգեն,
աշխարհին աւետիս կու տան:

Ծնաւ նոր արքայ
Բեթղեհեմ քաղաքին մէջ.
Ով ժողովուրդ, մարդիկ, օրինութիւն տուէք
որովհետեւ Ան մեզի համար մարմնացաւ:

Երկնքին եւ երկրին վրայ Անբաւելին
խանձարուրներու մէջ փաթթուեցաւ.
Առանց բաժնուած ըլլալու Հօրմէն,
սուրբ մսուրին մէջ բազմեցաւ:

Յիսուս Քրիստոսի Ծննդեան աւետումը

Մարիամ Աստուածածին

Նազարէթ փոքրիկ քաղաքին մէջ կ'ապրէին արդար ու պարկեշտ ամուսիններ՝ Յովակիմն ու Աննան: Յովակիմը մեծ ու հարուստ մարդ էր Դաւիթ թագաւորի տոհմէն, իսկ Աննան համեստ ու ազնիւ կին մըն էր: Անոնք երկար տարիներ երեխայ չէն ունենար: Երբ արդէն տարիքով բաւական մեծ էին Աստուած անոնց աղջիկ երեխայ պարգևեց զոր անուանեցին Մարիամ:


Յովակիմն ու Աննան որոշեցին իրենց դուստրը ընծայել տաճարին: Երբ Մարիամը դարձաւ երեք տարեկան, ծնողները նույնականացնելով եւ հանդիսաւոր ձեւով անոր տաճար տարին այնուեղ կրթուելու եւ ծառայելու: Փոքրիկ աղջիկը տաճարին մէջ կը մեծնար անբիծ աղաւնի նման: Ան թել կը մանէր եւ ասեղնազործութիւն կ'ընէր: Մարիամը խելացի էր, բարի, խոնարի եւ օրուայ մէծ մասը նույրած էր աղօթքի եւ ընթերցանութեան: Մարիամի ծնողները շուտ մահացան, երբ ան մեծցաւ զինք նշանեցին Նազարէթի մէջ ապրող Յովսէփ անունով ատաղձագործի մը հետ:

Հրեշտակի աւետիսը

Օր մը Մարիամը տաճարի համար վարագոյր կարելու թել կը մանէր, յանկարծ յայտնուեցաւ Աստուծոյ ուղարկած Գարրիէլ հրեշտակը եւ յայտնեց որ Մարիամը որդի մը պիտի ունենայ եւ անոր անունը պէտք է Յիսուս դնէ: Ան պիտի ըլլայ սուրբ եւ ամենազօր եւ համայն մարդկութիւնը պիտի փրկէ իրենց մեղքերէն: Այսինքն՝ ան էր այն Փրկիչը որուն մասին հին կտակարանի մարգարէները մարգարէացած էին:

Սկիզբը Մարիամը վախցաւ յետոյ զարմացաւ հրեշտակի խօսքերուն որովհետեւ ան նշանուած էր եւ դեռ ամուսնացած չէր: Սակայն հրեշտակը բացատրեց, որ Յիսուսը սովորական երեխայ պիտի չըլլար, ան պիտի ծնէր Սուրբ Հոգին եւ Աստուծոյ որդի պիտի կոչուէր իսկ Աստուծոյ համար անկարելի ոչինչ կար:

Գաբրիէլ հրեշտակը երեւաւ նաեւ Մարիամի նշանածին՝ Յովսէփին: Հրեշտակը անոր պատուիրեց կնութեան առնել Մարիամը: Բարի եւ արդար Յովսէփը կատարեց այնպէս ինչպէս հրեշտակը իրեն պատուիրեց:



Եկեղեցական բառարան

Q

Չարականն ու Ժամագիրքին երգերը Հայկական կոչուած ձայնանիշերով ձայնագրեալ՝ հրատարակուած են Ս. Էջմիածնի տպարանէն Գէորգ Դ. կաթողիկոսի (1866-1882) հայրապետութեան շրջանին, կը կոչուին ԶԱՅՆԱԳՐԵՍԱԼ ԳԻՐՔԵՐ: Այս գիրքերով կարելի եղաւ հայկական ձայնագրութեան նոր համակարգի ուսուցումն ու տարածումը, հոգեւոր երգերու ժողովածուներու պաշտօնական վաւերացումն ու հրատարակութիւնը:

Ω

ՂԱԶԱՐ ՓԱՐՊԵՑԻ (440/443 Փարպի «Աերկայիս Արագածոտնի մարզից. դարի սկիզբը») մատենագիր, պատմիչ: Դաստիարակուեր է Հայոց սպառապետ եւ մարզպան Վահան Մամիկոնեանի մօր՝ Զուիկ իշխանութիի խնամակալութեան ներքեւ: Ղ.Փ.-ի «Պատմութիւն Հայոցը» կը կոչուի Երրորդ պատմութիւն Ազգաթանգեղոսի եւ Փաստոս Բիւզանդի երկերէն ետք՝ շարունակելով վերջինին: Ականատես էր իր նկարագրած դէպքերուն՝ 460-484 թուականներու Հայ-պարսկակն փոխ յարաբերութիւններուն եւ հակապարսկական ապստամբութեան: Պատմութիւնը կ'աւարտի Յովհաննէս Ա. Մանդակունիի ատենաբանութեամբ՝ արտասանած Վահան Մամիկոնեանի մարզպան նշանակուելով առիթով:

Ճ

Յատկապէս պատրաստուած սեղանի զարդ մը, մէշտեղը բոլորակ կամ ծուածեւ պատկեր մը մետաղեայ քանդակով, ու շորջանակի ճառագայթածեւ սփոեալ զարդերով ու ներքեւէն կոթ մը ու պատուանդան մը տեղ մը դրուելու համար կը կոչուի ԾԱԾԱՆՉ: Ընդհանրապէս արծաթեայ կամ ոսկեզօծ, ոսկրչական արուեստի ընտիր գործուացքներով: Մէշտեղի պատկերները տէրունի են, կամ երբեմն սրբոց վարքերէն առնուած, եւ ուրիշ անգամներ մէշտեղը ապակիով փակուած դատարկ միջոց մը կը ձգեն սրբոց մասունքներ գետեղելու համար:

Ւ


Սուրբերու ոսկորներու կամ անոնց պատկանող իրերու մասնիկները կը կոչուին ՄԱՍՈՒՆՔ եւ կը պահուին համապատասխան տուփերու՝ մասունքի պահարաններու մէջ: Հին ժամանակներուն այդպիսի պահարաններ են հանդիսացեր Աշերը՝ օրինակ Ս. Գրիգոր Լուսաւորչի աջը, իսկ աւելի ուշ անոնք պատրաստուեր են խաչի կամ ճաճանչի ծեւով: Մասունքի պահարանները այլ սրբութիւններու հետ կը գործածուին համապատասխան ծէսերու ժամանակ:



Մասնատուի խաչով

ԺԴ - ԺԸ դար

Ս. Էջմիածնի գանձատուն



Մասունքի պահարան. Խոտակերաց Ս. Նշան
1300թ Ս. Էջմիածնի գանձատուն

ՏՆՈՐԴՆԵՔԻ ԱԽԱՆՈՒԹԵԱՆ ԾՈՒՐՁ

Կ'ապրինք ժամանակներու մեջ, ուր աւանդութիւնները կորսուելու վրայ են:

Սակայն որեւէ աւանդութիւն կտակ մըն է, եւ եթէ անհկա այսօր մեզի չի խօսիր՝ յանցանքը անորր չէ: Ըստ չեմ ուզեր, թէ յանցանքը մերս է, բայց արդար պիտի ըլլայ յայտարարել, որ գոնէ ինչ-ինչ պատճառներով մերս է անկարողութիւնը՝ զայն վերարժեւորելու, այլ բացատրութեամբ մը՝ զայն վերստին բերելու մեր կեանքերուն մեշ՝ իբր ժողովող գօրութիւն, իբր անշրջանցելի աղբիւր մը՝ հաւատքի ժողովուրող վերանորոգելու:

Տնօրինեքի աւանդութիւնը: Զանի մը միտքեր.

1.- Տունը առաջին Եկեղեցին է: Առանց տուն-Եկեղեցիին՝ Եկեղեցի-Եկեղեցին չի կրնար գոյութիւն ունենալ: Տուն-Եկեղեցին աղօթքի առաջին հաւաքական միաւորն է:

Եկեղեցի-Եկեղեցին երկրորդ եւ աւելի մեծ ընտանիքի մը Եկեղեցին է, հաւատքի համայնքի մը կամ ժողովուրողի մը Եկեղեցին է:

Ինչպէս առանց տուն-Եկեղեցիին չի կրնար Եկեղեցի-Եկեղեցին գոյութիւն ունենալ, նոյնպէս առանց Եկեղեցի-Եկեղեցիին չի կրնար տուն-Եկեղեցին գոյութիւն ունենալ: Եկեղեցի-Եկեղեցիին տկարացումը՝ տուն-Եկեղեցիին տկարացումն է, եւ փոխադարձաբար:

Եկեղեցի-Եկեղեցին իր մեջ կը հաւաքէ կամ ժողովէ բոլոր տուն-Եկեղեցիները: Բայց ինչպէ՞ս:

Առաջին. Աստուծոյ Յոգիին ներգործութեամբ: Աստուծոյ Յոգին է, որ Եկեղեցի կը ստեղծէ: Ասիկա մարդկային կեանքին մեջ կը ներգործ տուեալ աւանդութեան մը կամ մշակոյթի մը սահմաններուն ճամբով: Այլ բացատրութեամբ մը, մենք չենք կրնար հասկնալ Աստուծոյ Յոգիին ներգործութիւնը մեր ունեցած աւանդութեան եւ մշակոյթի սահմաններէն անկախաբար: Ըստ չեմ ուզեր, թէ Աստուծոյ Յոգին աւանդութեան եւ մշակոյթին մեջ կը սահմանափակուի: Ո՞չ: Ասիկա անոնց մեջ կու զայ եւ զանոնք կ'անդրանցնի, անոնց վերանորոգումը եւ վերանորոգիչ ըլլալը կարելի կը դարձնէ:

Երկրորդ. Որպէսզի Աստուծոյ Յոգին ներգործէ՝ մարդկային հոգիները բաց պէտք է ըլլան անոր:

Յոն ուր Աստուծոյ Յոգիին ներգործութիւնը կայ՝ իոն հաւատացեալներուն ժողովումը կարելի կ'ըլլայ:

2.- Տնօրինեքը տան անդամները կը ժողովէ եւ անոնց Եկեղեցի մը ըլլալը կը հաստատ:

3.- Զահանային ներկայութի՞ւնը: Ասիկա Զրիստոսի ներկայացուցիչն է, որ ինքզինք անարժան կը համարէ այդ պատիւին:

Մեր առօրեային մեջ մենք շատ լաւ գիտենք, թէ ինչ կը նշանակեն ընտանեկան փոխայցելութիւնները: Երբ մեկը իր տունը կը հրաւիրէ, վերջն ալ դուն պարտք կը համարէն զիսք տունդ հրաւիրել, եւ ան ալ պարտք պէտք է համարէ տունդ զալ... նոյնպէս երբ տուն մը Եկեղեցի կու զայ, Եկեղեցւոյ ծառայութեան կոչուած քահանան ալ պարտք պէտք է համարէ այդ տունը երթալ...

4.- Տնօրինեքը կախարդութիւն մը չէ:

»Օրինել« բայց քանի մը իմաստներ ունի. կը նշանակէ՝ բարեբանել, գովել, մաղթել կամ բարին կամենալ, սուրբ եւ նուիրական համարել եւ ընել:

Տնօրինեքի ատեն սեղանին վրայ կը բերուին ջուր, աղ եւ հաց: Երբ քահանան կ'աղօթէ անոնց վրայ կախարդական բաներ չ'ըստ եւ կախարդական երգեր չ'եղանակեր: Այլ ինչ որ կ'ըսէ եւ ինչ որ կ'երգէ Աստուծակեդրոն խօսեր եւ երգեր են: Անոնցմով Աստուծած կը փառաբանուի: Ս. Ծննդեան արիթով Աստուծոյ մեր կեանքին մեջ

յայտնութեան հաւատքն ու իմաստը, իսկ Զատիկին՝ Քրիստոսի յարութեան հաւատքն ու իմաստը կը յայտարարուին,

5.- Չուրը օրինել: Չուրը խորհրդանշանն է կեանքի: Ըստ Աւետարանին՝ յախտենական կեանքի ջուրը տուողն է Քրիստոս: Այսինքն՝ Քրիստոսի միջոցով մենք Կստուծոյ հետ նոր յարաբերութեան մը մեջ կը մտնենք:

Երբ քահանան պարզ ջուրին վրայ խաչին նշանը կ'ընէ, այդ պարզ ջուրը կը խորհրդանշէ Քրիստոսի տուած ջուրը: Եւ Քրիստոսի տուած ջուրը բարի է, գովելի է, մարդոց համար բարին կը կամենայ, սուրբ եւ նուիրական է, որովհետեւ սուրբ եւ նուիրական կը դարձնէ մարդկային կեանքը:

Աղը օրինել: Ըստ Զարեհ արք. Ազնաւորեանի, աղը չորս նշանակութիւններ ունի: Կը նշանակէ համ տուող ըլլալ, մաքող ըլլալ, պահպանող ըլլալ եւ հաւատարիմ ըլլալ:

Համ տուող ըլլալ: Յիսուս գինք լսողներուն եւ իրեն հաւատացողներուն կ'ըսէր, թէ իրենք մարդկութեան համ տալու կոչուած էն: Այսինքն՝ անոնք կանչուած էն մարդոց կեանքին իմաստ եւ նշանակութիւն բերելու, անոնց գոյութեան նպատակ տալու:

Մաքող ըլլալ: Կստուածաշունք կ'ըսէ, որ մարդը ստեղծուած էր Կստուծոյ պատկերին նսանութեամբ, սակայն իր անհնազանդութեան պատճառով կորսնցուցած էր այդ նսանութիւնը եւ մեղքերու ցեխին մեջ միշրճուած կ'ապրէր: Յիսուս իր հետեւորդները կը հրաւիրէ այն ցեխէն դուրս հանելու կամ մաքրելու մեղաւոր մարդկութիւնը:

Պահպանող ըլլալ: Յիսուսի առաքեալները ընտրուելէ առաջ երկու վիճակներու մեջ նկարագրուած են. ծուկ որսալու համար՝ ուռկանը ջուր նետելու վրայ. Եւ ուռկան կարկտելու կամ կարգի դնելու վրայ: Առաջինը կը նշանակէ՝ անհաւատ մարդոցմէ որսալով երկինքի արքայութեան ժառանգործներ հաւաքել կամ Կստուծոյ համար մարդիկ շահիլ, եւ երկրորդը՝ վերանորոգելու կամ պահպանելու կամ եկեղեցին բարեկարգ պահելու իմաստը ունի:

Պահպանող ըլլալը՝ Կստուծոյ հաւատարիմ ըլլալն է: Իսկ ինչպէս կը դրսեւորուի հաւատարմութիւնը:

Կստուծոյ պատուիրանները կատարելով կամ Կստուծոյ կամքին հնազանդութեամբ:

...Համ չտուող, չմաքող, չպահպանող կամ չվերանորոգող եւ անհաւատարիմ ժողովուրդ մը չի կրնար Կստուծոյ ժողովուրդ մնալ եւ ըլլալ:

Երբ քահանան պարզ աղին վրայ խաչի նշանը կ'ընէ, օրինեալ աղը այս ամբողջ նշանակութիւնը կը ստանայ, որ բարի է եւ գովելի, քանի որ բարիք գործելու ոգին կը զօրացնէ, եւ սուրբ ու նուիրական կը դարձնէ մարդկային կեանքը:

Հացը օրինել: Աւետարանին մեջ հացը Յիսուս-կերակուրն է, երկնային մանանան: Անիկա «յաւիտենական կեանքին մեջ կը մնայ» կամ «կեանք կու տայ»:

Յիսուս Վերջին Ընթրիքին հացը բեկանելով ըսաւ, թէ անիկա իր մարմինն է: Արդ, երբ քահանան խաչ կը հանէ հացին վրայ, այդ հացը կը խորհրդանշէ Յիսուսի մեզի տուած կերակուրը, որ իր խաչեալ մարմինն է: Ան որ »կը ճաշակէ« այդ մարմիննեն կամ ան որ այդ մարմինի խորհուրդին կը հաղորդուի՝ գիտ թէ ի՞նչ կը նշանակէ եկեղեցի ըլլալ... գիտ թէ եկեղեցին հացի պէս բաշխուելու համար է:

6.- Տևորիներով տուս-եկեղեցին եւ եկեղեցի-եկեղեցին իրենց փոխադարձ պատասխանատութիւնը կը վերանորոգեն:

Հովիւ
գք

Ո՞րն է ճիշդ պատասխանը Դեկտեմբեր ամսուան պատասխանները

Մանկապարտէզի անկիւն

Հովհաններ, հրեշտակը, աւետիս, Փրկիչը,
Օծեալ, խանձարուրով, խաղաղութիւն,
հաճութիւն

Նախակրթարան Ա. Բ. Գ. անկիւն

1. ա. Յունուար 6
2. բ. Բեթղեհեմ
3. գ. Հերովդէս
4. բ. Հրեշտակները իրենց լուր տուին
5. Մարիամ
6. ա. Երկնքին մէջ աստղը տեսան
7. բ. Ուկի, կնդրուկ եւ զմուռս
8. գ. Եգիպտոս
9. գ. Նազարէթ
10. Կենաց Ծառ

Նախակրթարան Դ. Ե. Զ. անկիւն

1. գ. Ս. Ստեփանոս նախավկայ
2. ա. Ս. Յակոբ Մծբնայ Հայրապետ
3. բ. Ոչ
4. դ. Առաքեալներուն գործերը
5. Ս. Աբգար թագաւոր

6. Խոյր

7. 28

8. Յովհաննէս եւ Յակոբոս

9. Հայրապետ

10. 2009

Երկրորդականի անկիւն

1. բ. Ս. Ստեփանոս
2. դ. Որոտման որդի Ս. Յակոբ
3. ա. Եղիա, բ. Եղիսէ, գ. Ամովս, դ. Եսայի, ե. Երեմիա, զ. Եզեկիէլ
4. դ. Դամիէլ
5. ա. Եսայի
6. բ. Միքիա
7. Յովհաննէս Մկրտիչ
8. բ. 5,6,7
9. Կատարեալ, Երկնաւոր, Հայրը
10. 9

Եզակի գիրեր Հայերէն գիրերով Sudoku

ա	գ	զ	թ	թ	թ	ա	դ	է
թ	ա	է	դ	դ	զ	թ	թ	գ
թ	թ	դ	գ	ա	է	թ	ե	զ
գ	թ	ե	է	թ	թ	դ	գ	ա
թ	թ	գ	ա	զ	դ	դ	թ	ե
դ	ե	ա	ե	թ	թ	զ	թ	թ
է	ե	թ		զ	գ	դ	թ	թ
գ	գ	թ	թ	է	թ	թ	դ	դ
ա	դ	թ	թ	գ	դ	թ	թ	թ

ա		թ	է	թ		զ		
թ	դ	է				թ	թ	ա
դ	թ	է				թ		
է			ե			թ		թ
թ		ա		թ		թ	գ	է
թ		թ	ա		թ	թ	թ	
զ			թ	գ	դ	թ		թ
թ	թ	դ				թ	գ	է
թ			թ	դ	թ	թ	թ	թ

Նախորդ «Եզակի գիրեր» ուն լուծումը


Ամբողջացուր քառակուսիները գործածելով ա, թ, գ, դ, ե, զ, թ, թ գիրերը պայմանաւ որ միայն մէկ անգամ գործածես իւրաքանչիւր գիր իւրաքանչիւր՝

- հորիզոնական գիծի վրայ,
- ուղղահայեաց գիծի վրայ եւ
- ինեակ քառակուսիի մէջ

Հերան քարոզը

Յիսուս կ'ըսէ թէ ի՞նչ պէտք է լնենք, իբրև Քրիստոնեայ Յիսուսի հետեւորդներ երբ ուղիներ մեզ կը նախատեն:

Գտի՞ր Յիսուսի խօսքը շղթային օղակներուն մէջէն:



Մատթեոս 5:12

Երկրի աղը եւ աշխարհի լոյսը
Մատթէոս 5:13-16

Յիսուսի խօսքերը գտիր եւ գրէ տրուած գիրերը գումարելով եւ հանելով։

$$\begin{aligned} \text{օրինակ՝ } w + 3 &= \eta \\ \xi - 3 &= \eta \end{aligned}$$

w	թ	զ	դ	ե	զ	է	ը	թ	ժ	ի	լ	խ
ծ	կ	ի	ձ	ղ	ճ	մ	յ	ն	շ	ն	չ	մ
շ	ռ	ս	վ	տ	ր	ց	ւ	փ	պ	օ	ֆ	



**Աստուած կ'ընէ անսպասելին
Մատթեոս 3:1-12**

Եսայի մարգարէն խօսեր էր, ըսելով .- «Անապատին մէջ աղաղակողին ձայնը կ'ըսէ .-

Տիրոց ճամբան պատրաստեցէք, հարթեցէք անոր շալիղները»: Եսայի 40:3


Իսկ ինք կ'ըսէր .-«Ապաշխարեցէ՛ք, որովհետեւ երկինքի արքայութիւնը մօտեցած է»:

Ո՞վ է Ան

Մատթեոս 3:2

Խաչբառի բառերը թուագրուած շարքով գրէ եւ նախադասութիւնները ամբողջացուր,
գիտնալու համար թէ ո՞վ է Ան: Ապա շրջանակի առնուած գիրերով կազմէ իր անունը:

12		7	կ		6	հ			2	հ							
3												5	մ				
ա		շ	ա		ա		տ	ի		շ	ր						
ր			2	10	վ	գ					է			ա			
ի			ի	ա	ն				1	պ	ա		ն	ն	գ	ե	լ
			է		յ	լ				ս			է				
11	մ	ե	դ	ր	ս				13	պ	տ	4	ն	լ	դ	տ	հ
		14	շ	ի	տ	ա		9	մ	ա	ր		ր	ա	ի		
										ն							
					8	գ	օ	(տ)	ի								



Ո՞րն է ճիշդ պատասխանը
Մանկապարտէզի անկիւն



Հայաստանեաց Եկեղեցւոյ Կիրակօրեայ Դպրոցները
հիմնուեցաւ ----- թուականին եւ 2009-ին կը տօնէ իր -- ամեակը

Ամբողջացն'ը ըստ Մատթէոսի Աւտարանին 2.9-12

Իրահանգը, աստղը, առաջնորդեց, երկրպագեցին, ոսկի, կնդրուկ,
զմուռս, երազի

Թագաւորին այս ----- լսելէ ետք, մոգերը մեկնեցան:
Անոնք չափազանց ուրախացան, երբ կրկին տեսան այն -----, որ
արեւելքի մէջ տեսեր էին. Եւ ահա աստղը -----զիրենք մինչեւ
որ եկաւ ու կեցաւ այն վայրին վրայ ուր երեխան կը գտնուէր: Երբ տուն
մտան, տեսան երեխան իր մօրը՝ Մարիամին հետ, եւ մինչեւ գետին
խոնարհելով ----- մանուկին: Ապա բացին իրենց արկդերը
եւ Յիսուսի ընծայեցին իրենց նույրերը՝ -----, -----
եւ -----:

Յետոյ ուրիշ ճամբով գացին իրենց երկիրը, առանց Հերովդէսի
հանդիպելու, ինչպէս որ Աստուած ----- մը մէջ իրահանգեց
իրենց:

**Ո՞րն է ճիշդ պատասխանը
Նախակրթարան Ա. Բ. Եւ Գ.դասարաններու անկիւն**

1. Ո՞ր օրը որոշուեցաւ Ցիսուս
Մանուկին անունը:

- Ա.- Յունուար 6
- Բ.- Յունուար 1
- Գ.- Յունուար 13
- Դ.- Դեկտեմբեր 25

2. Ի՞նչ կը կոչենք Ցիսուս Մանուկին
անունին տօնը:

3. Ցիսուս ո՞ր օրը մկրտուեցաւ:

- Ա.- Յունուար 6
- Բ.- Յունուար 1
- Գ.- Յունուար 13
- Դ.- Դեկտեմբեր 25

4. Ցիսուս ինչո՞վ մկրտուեցաւ:

- Ա.- Զեթ
- Բ.- Զուր
- Գ.- Միւռոն
- Դ.- Իւղ

5. Ցիսուս որո՞ւ կողմէ մկրտուեցաւ:

- Ա.- Տէր Հօր
- Բ.- Յովհաննէս Մկրտիչին
- Գ.- Վարդապետին
- Դ.- Քահանայապետին

6. Ի՞նչ կը կոչենք Ծնունդին
նախորդող երեկոն:

- Ա.- Զատիկ:
- Բ.- Զրօրինեք:
- Գ.- Խթում:
- Դ.- Բարեկենդան:

7. Ե՞րբ տեղի կ'ունենայ Զրօրինեքը:
Ա.- Յունուար 6 ի պատարագէն ետք
Բ.- Յունուար 5 ի երեկոյեան
Գ.- Զատիկին
Դ.- Ծաղկազարդին

8. Ե՞րբ տեղի կ'ունենայ Ծրագալոյցը:

Ա.- Յունուար 6 ի պատարագէն ետք
Բ.- Յունուար 5 ի երեկոյեան
Գ.- Բուն Բարեկենդանին
Դ.- Ծաղկազարդին

9. Այս տարի երբ պիտի տօնենք
Յովհաննէս Մկրտիչին ծննդեան
տօնը:

Ա.- Երկուշաբթի՝ Յունուար 19
Բ.- Չորեքշաբթի՝ Յունուար 14
Գ.- Շաբաթ՝ Յունուար 17
Դ.- Հինգշաբթի՝ Յունուար 15

10. Այս տարի ո՞ր օրը Ս. Սարգիս
է:

Շաբաթ՝ Յունուար --, 2010

Ո՞րն է ճիշդ պատասխանը
Նախակրթարան Դ. Ե. Եւ Զ. դասարաններու ամկիւն

1. Ցիսուսի Անուանակոչութիւնը
 անշարժ տօն մըն է: Ամէն
 տարի ե՞րբ կը տօնենք Ցիսուսի
 անուանակոչութիւնը:

Ա.- Յունուար 6
 Բ.- Յունուար 1
 Գ.- Յունուար 13
 Դ.- Դեկտեմբեր 25

2. Մոգերը ի՞նչ նուիրեցին Ցիսուս
 Մանուկին:

Ա.- Ո---
 Բ.- ---դ----
 Գ.- Զ-ու--

3. Ո՞վ էր հրէաստանի թագաւորը երբ
 Ցիսուս ծնաւ:

4. Ո՞վ էր Հռոմի կայսրը երբ Ցիսուս
 ծնաւ:

5. Հինգ տաղաւարներէն ո՞ր մէկը
 անշարժ տօն մըն է:

Ա.- Ս. Շնունդ
 Բ.- Ս. Յարութիւն
 Գ.- Պայծառակերպութիւն կամ
 Այլակերպութիւն
 Դ.- Ս. Աստուածածնի վերափոխում
 Ե. Խաչվերաց

6. Ս. Հոգին որո՞ւ վստահեցուցած
 էր թէ Տիրոջը օծեալը չտեսած պիտի
 շմեռնէր:
 Ս---- ծերունին

7. Որո՞նք էին Մարիամ Աստուածածնի
 ծնողները:

Ա.- Յովակիմ եւ Աննա
 Բ.- Սիմոն եւ Աննա
 Գ.- Փանուէլ եւ Մարթա
 Դ.- Յովակիմ եւ Եղիսափէթ

8. Ցիսուսի յարութենէն ետք իր
 հետեւորդները ամէն Կիրակի օր կը
 հաւաքուէին եւ միասին կը ճաշէին:
 Այսօր այդ ճաշը ինչի՞ վերածուած է:

9. Ցիսուսի մկրտութեան ընթացքին,
 Սուրբ Հոգին ինչի՞ կերպարանքով
 իշաւ Ցիսուսի վրայ:

10. Ամբողջացո՞ւր ըստ Մարկոս 1.11-ին,
 Երկինքն ձայն մը լսուեցաւ որ
 կ'լսէր.

Դ-'--- ի- -----ի -----
 ----- -----յ:

Ո՞րն է ճիշդ պատասխանը Երկրորդականի անկիւն

1. Անոնք որոնք Ս. Ծնունդը կը տօնեն

Դեկտեմբեր 25ի-ն, ե՞րբ կը տօնեն
մկրտութիւնը:

Ա.- Յունուար 6

Բ.- Յունուար 1

Գ.- Յունուար 13

Դ.- Դեկտեմբեր 25

2. Արեւմտեան Ելրոպայի քրիստոնեաները

ե՞րբ փոխեցին Ս. Ծննդեան տօնը Յունուար
6 էն Դեկտեմբեր 25 ին:

Ա.- 325 Նիկիոյ ժողովին

Բ.- 451 Քաղկեդոնի ժողովին

Գ.- 381 Կոստանդնուպոլսոյ ժողովին

Դ.- 431 Եփեսոսի ժողովին

3. Հայատանեաց Եկեղեցին այս տարի ո՞ր սուրբին տօնը կը տօնէ Յունուար 30-ին:

Ա. Ս----- եւ որդին Մ----- եւ --
զինուորներ:

4. Գրէ շիտակ ժամանակագրական

շարքով հետեւեալ տօները: Ս. Ծնունդ,
Անուանակոչութիւն, Յովհաննու Կարապետ,
Ս. Սարգիս, Ղետնդեանց, Վարդանանց,
Բուն Բարեկենդան

Ա.-

Բ.-

Գ.-

Դ.-

Ե.-

Զ.-

Է.-

5. Գրէ՛ շիտակ ժամանակագրական
շարքով Հինգ տաղաւարները. Ս. Ծնունդ,
Ս. Յարութիւն, Պայծառակերպութիւն
կամ Այլակերպութիւն, Ս. Աստուածածնի
վերափոխում, Խաչվերաց

Ա.-

Բ.-

Գ.-

Դ.-

Ե.-

**6. Հայ Եկեղեցւոյ համար ո՞վ է
երիտասարդներու արագահաս բարեխօսն ու
սիրոյ երազանքը իրականացնող սուրբ:**

Ս. -----

**7. Ո՞վ կը համարուի անապատականներու
հայրը:**

Ս. ----- Շ-----

8. Ամբողջացո՞ւր:

Խորհուրդ --- եւ -----
որ յայսմ ----- յայտնեցաւ.
----- երգեն ընդ -----
տան ----- աշխարհի:

9. Ամբողջացո՞ւր:

----- նոր արքայ
ի ----- քաղաքի.
Որդիք մարդկան օրինեցէք,
զի վասն մեր -----:

----- երկնի եւ երկրի
ի ----- պատեցաւ.
Ոչ մեկնելով ի Հօրէ
ի սուրբ ----- բազմեցաւ:

**10. Ո՞վ էր վերջին մարգարէն: Այս տարի
ե՞րբ կը յիշատակենք անոր ծնունդը:**

Ա. ----- -----

Բ. Յունուար --

Ս. Ծնունդը Կիրակնօրեայ Դպրոցէն Ներս

Ինչպէս նախանցեալ տարիներուն, այս տարի եւս, Կիրակնօրեայ Դպրոցը հրավիրած էր իր աշակերտներու ծնողներն ու բարեկամները Սուրբ Ծնունդի ամանորեան հանդէսին:

Հանդէսը սկսաւ Կիրակի օր, 27 Դեկտեմբեր 2009-ի առաւտեան ժամը 12:00-ին, Սուրբ Յակոբ Վարժարանի Բասդրմանեան սրահէն ներս, Կաղանդ Պապուկին ժամանումով: Կաղանդ Պապուկը ներկաներուն հետ, դիտեց Կիրակնօրեայ դպրոցի տարրեր կարգերու աշակերտներու կողմէ, ներկայացուած Յիսուսի Ծնունդի կենդանի պատկեր մը. նոյն պահուն, սոյն պատկերին հաղորդումը, ըստ Մատթէոսի եւ Ղուկասի Աւետարաններուն, կ'ընթերցուիր այլ խումբի աշակերտներու կողմէ:

Պարոն Տնօրէնը իր խօսքին մէջ յիշեցուց ներկաներուն թէ Կիրակնօրեայ Դպրոցին այս հանդէսը նպատակ ունէր յիշեցնելու թէ՝ մասնակցող աշակերտներուն եւ թէ՝ ներկաներուն Ս. Ծնունդի խորհուրդը որ յաճախ կը կորսուի Կաղանդ Պապային բերած խաղալիքներուն մէջ: Սակայն Կիրակնօրեայ Դպրոցին մէջ, նոյնիսկ Կաղանդ Պապան լուր ու մունջ կը հետեւի Ս. Ծննդեան կենդանի պատկերին:

Կաղանդ Պապան բարձր գնահատեց աշակերտներուն ներկայացումը եւ բաժնեց նույներ երկվարկեան մը տրամադրելով եւ արժենորելով իւրաքանչիւր երեխայի ներկայութիւնը, Կաղանդ Պապուկը ծանօթացաւ բոլորին անխսիր: Նույներու բաշխումն ետք բոլոր ներկաները ուղուեցան վարժարանին ճաշասրահը, ուր ներկաները հիւրասիրուեցան պտուղի հիւթով եւ կարկանդակով պատրաստուած կարգ մը ծնողներու կողմէ: Իւրաքանչիւր երեխայ ստացաւ նաև սեղանի օրացուց մը պատրաստուած Հայ Եկեղեցւոյ Կիրակնօրեայ Դպրոցներո Վարիչ Տնօրէնութեան (Անթիլիաս - Լիբանան) կողմէ

Ծուրջ մէկ ժամ տեսող այս ուրախութիւնը վերջ գտաւ ներկաներու ողջագուրումներով ու բարեմաղթութիւններու փոխանակումով:

**ԲՈԼՈՐ ԱՇԽԱՏՈՂՆԵՐՈՒՆ
ՎԱՐՉՐԸ ԿԱՏԱՐ ՈՒ ԶԵՌՔԵՐԸ ԴԱԼԱՐ**



